

摘藻堂四庫全書薈要

集部

欽定四庫全書薈要

集部

劔南詩藁卷五十二

三

詳校官助教臣謝登雋



欽定四庫全書薈要卷一萬五千五百四十二

集部

劔南詩豪卷五十二

宋 陸游 撰

閒詠

身似地行僊心非欲界天  
輿竿聲軋軋巾角影翩翩  
買菊穿苔種懷茶就井煎  
歸來書遶坐隨處一欣然

又

久入春農社新腰老衲包  
紙裁微放矮硯斲正須顚  
髯

簿能為崇方兄任絕交吾詩無傑句聊復當談嘲

遊張園

冷局歸差早名園得緩行穿林山驟出度硤路微平霜  
近柳無色風生蒲有聲出門還懍懍滿路夕陽明

客至

官閒身自得客至眼殊明靜筭棋生死閒分酒濁清悠  
然劇談罷偶爾小詩成但恨桑麻事無人與共評

客去

客來拈麈尾客去拂牀眠孤夢歸湖上殘書墮枕邊幽禽窺戶語落日傍窗妍暫爾名朝士終然是地仙

無客

今日了無客翛然麈柄閒硯涵鴈鵠眼香斲鷓鴣斑木落風初勁雲低雨尚慳西湖未暇到臥看曲屏山

次韻黃宮教見贈

景說

士固未易料世乃有若人高標與曠懷豈復容疎親邂逅京塵中握手一笑新我雖讀古書妙處媿斲輪敢學

狂接輿歌鳳笑泣麟空持鼻端垚底幾遇郢斤獨立臨  
洪流欲濟茫無津君其幸教之勿棄老病身

書直舍壁

三黜媿公議再來仍冷官志無重奮發身有轉衰殘加  
飯支餘息添衣禦早寒歸休應漸近不是彊心寬

又

道山西下路杳杳歷重廊地寂聞傳漏簾疎有斷香渠  
清水馬健屋老瓦松長欲出重欹枕無何覓故鄉

韓太傅生日

珥貂中使傳天語一片驚塵飛輦路清霜粲瓦初作寒  
天為明時生帝傳黃金飾奩雕玉觴上尊御食傳恩光  
紫駝之峯玄熊掌不數沙苑千羣羊通天寶帶連城價  
受賜雍容看拜下神皇外孫風骨殊凜凜英姿不容畫  
問今何人致太平縣地萬里皆春耕身際風雲手扶日  
異姓真王功第一

懷故山

老怯京塵化素衣無端拋擲釣魚磯碧雲又見日將暮

芳艸不知人念歸萬事莫論羈枕夢一身方墮亂書圍

岷山學士無消息空想燈前語入微

張季長祕閣  
久不得書

西齋遣興

桐葉秋先賈菊花寒更香酒邊聊兀兀身外本茫茫小  
憩元非睡長吟偶似狂忽然思把卷一笑就窗光

雨夜作

十月多蚊蚋昏昏氣未平正須三日雨却用一霜晴閒



館蕭條意空塔點滴聲鐘殘撫枕歎歸夢幾時成

掩戶

蔗漿那解破餘醒一讀南華眼自明香縷映窗凝不散  
墨丸入硯細無聲太山蟻蛭初何有佛國魔宮本亦平  
此段光明誰障得曠懷還與老書生

臥疾

舊疾瘵衰作長貧與嬾宜羈愁惟付酒史課未妨詩雨  
入殘更滴霜逢閏歲遲新春真耄及不用卜歸期

晚歸

無事經秋別鏡湖詩囊隨處累奚奴樓頭寒日低將盡  
陌上殘泥踏欲無軒冕豈容關喜愠簞瓢亦未費枝梧  
畫橋綠浦歸來晚一醺昏燈得自娛

寂寂

接客厭紛紛客去喜寂寂今朝下簾坐疎雨時一滴地  
爐擁破褐自笑嬾無敵新春儻得歸更面九年壁

獨坐有懷杜伯高

畫橋通小市深院欲黃昏愛月先移燭留香每閉門李  
侯有佳句樂令善清言老病貪搢枕何由共一樽

李允蹈判院送酒四斗予畚書乃誤以為二斗作  
小詩識媿

冷官誰顧崔羅門一紙惟君肯見存堪笑放翁昏至此  
藥壺誤寫作朋樽

感舊贈趙師

一聲清蹕出行宮百尺黃旗繡戲龍我赴文場君受戒

道邊曾共望高宗

雜書

世味漸闌如嚼蠟惟詩直恐死方休四時風月元無盡  
萬里江山更擬遊

又

一身頂踵無非病兩飯壺鹽亦闕供正可清言學夷甫  
不須豪氣似元龍

又

枳籬莎徑入荆扉中有村翁百結衣誰識新年歡喜事

一雞一犬伴東歸

雞犬皆  
實事

又

身似匡廬老病僧閉門一衲坐騰騰雨聲驚斷長安夢  
惆悵西窗夜半燈

送子虞赴金壇丞

與汝為父子忽逾五十年平生知幾別此別益酸然念  
汝髮亦白執手河橋邊西行過臨平想汝小繫船悠悠

陽羨路渺渺雲陽川  
京江昔所遊想像在目前  
今茲兩使君幸有宿昔緣  
汝雖登門晚世好亦牽聯  
顧於賞罰間其肯爲汝偏  
夙夜佐而長努力忘食眠  
醇如新豐酒清若鶴林泉  
棠宜使可愛蒲正不須鞭

今日史課偶少暇戲作五字

仲夏入都門堂瓦忽已霜  
史館方掄才我亦廁其傍  
三日敗一筆手眊視芒芒  
吏來督日程炙冷不及嘗  
今辰偶少靜掃地欲焚香  
市聲塞我門騶呼過我牆  
鄙性不

耐喧懽况意欲狂天生兩竅耳只堪聽啼螿

入局

殘年困簡牘靜坐憶漁樵鄙意慙輕出殊恩免早朝微

霜凋綠樹寒日滿朱橋悵望滄波友弓旌豈易招

鏡湖西南

有隱士人不可得而見

縱筆

胸中略無一點事眼底常展數行書半饑半飽便可爾  
衣食何須求有餘

又

小兒讀書耕且養老夫入朝仕易農  
明春史成許歸去父子相逐歌年豐

又

晝倦夜常成美睡病多老却未全衰  
歸從冊府猶披卷了却官書更賦詩

又

坊遠不聞宮漏聲三茅鐘殘窗欲明  
山童睡熟呼不應



添水拂書翁自行

送襄陽鄭帥唐老

鄭侯骨相非復常伏犀貫額面正方聲名赫奕動天子  
家世富貴連椒房武能防秋北平道文合落筆中書堂  
畿西謀帥國大事當宁久弄黃金章一朝丹詔自天下  
兩班仰首看騰驤鄭侯此行端可羨繡旗皂纛戈如霜  
三更傳令出玉帳平旦按陣來毬場宿兵萬竈盡貔虎  
牧馬千羣皆驪驪酒酣賦詩幙府和縱橫健筆誰能當

雖然鄭侯志意遠虎視直欲吞北荒榆林雁門塞垣紫  
孟津砥柱河流黃出師有路吾能說直自襄陽向洛陽  
掩門

身瘦不勝笏官閒常掩門漢廷雖好老楚澤未招魂硯  
潤蟾疎滴香殘鴨尚溫箇中殊會意恨欠阿戎言

又

簌簌落高槐陰陰長綠苔只言門晝掩不道客誰來足  
痺思尋壑愁生欠撥醅吾兒能問事黎粟且炮煨

又

舉手可及屋積書高柱頤忽聞疎雨滴恍記故山時點  
染聊成字呻吟僅似詩不關才思盡碌碌本亡奇

又

寡求忘市遠易足任囊空院吏催呈史家僮笑忍窮鬢  
毛驚盡白倉粟飫陳紅賴有三歲夢時時到枕中

自嘲

野老家風子未知天教甫里出孫枝遍遊竹院尋僧語

時拂楸枰約客棋是處登臨有風月平生揚歷半宮祠  
卽今箇事渾如昨喚作朝官却自疑

予仕官幾五十年  
笑歷崇道玉局武

夷今又忝  
佑神之命

乍晴出遊

八十山翁病不支出門也賦喜晴詩小樓酒旆攔街處  
深巷人家曬練時本借微風歌帽影却禁新暖弄鞭絲  
歸來幸有流香在剩伴兒童一笑嬉

流香蓋  
賜酒名

送客至湖州市

偶駕雞栖送客行迢迢十里出關城誰知小市蕭條處  
剝有豐年笑語聲聊借野風吹醉頰更憑陂水濯塵纓  
故廬想見春回近鄰曲家家已遍耕

題史院壁

命薄謀常拙年衰力轉微鷗飛元合退羝乳偶成歸汗  
簡慙靡日流塵怯染衣無端霜夜月應照舊苔磯

又

槁木忘榮謝閒雲任卷舒慵為繞枝鵲寧作蠹書魚羈

旅心常折親朋夢亦疎溪頭釣船在恐負此心初

又

白髮無餘鬢蒼顏失故丹旅遊多敗意大屋每饒寒出  
畏霜侵褐歸樂日暖鞍若非時得句何以慰衰殘

又

苔甃平分路銅環半掩扉殘蕪寒不死敗葉落還飛責  
重何由塞愁生但念歸非無茅一把世事苦相違

寄二子

大兒新作鶴林遊仲子經年戍吉州日日望書常至算  
時時入夢却添愁得官本自輕齊虜對景寧當似楚囚  
識取乃翁行履處一生任運笑人謀

訪客至北門抵算乃歸

北郭那辭十里遙上車且用慰無聊九衢浩浩市聲合  
四野酣酣雪意驕清鏡新磨臨綠浦長虹橫絕度朱橋  
歸來熟睡明方起臥聽鄰牆趁早朝

恩除祕書監

羣僊鶴駕去難追白首重來不自知才藝荒唐癡獨絕  
功名蹭蹬老如斯海邊鄭叟窮耽酒吳下韋郎晚學詩  
扶上木天君莫笑衰殘不似壯遊時

寄題儒榮堂

朝散大夫徐夢莘著北盟錄上之除直秘閣訓辭有儒榮之語因以名堂

朱求

賦詩

軍容基駝廟謀疎尚記文登遣使初只道大功隨指顧  
至今遺種費誅鋤還朝不遣參麟筆寓直空聞上石渠  
剗辦殺青君記取龍庭焚盡始成書



夙興

鐘已樓頭動燈猶帳外殘霜濃愁枕冷病起覺衣寬鶴  
怨憑誰解鷗盟恐已寒君恩等天地應許納微官

館中書懷

流落逢明主恩光集晚途題名驚手戰拜閣藉人扶枉

辱三華組

國史實錄及策府凡忝三職

終歸一腐儒庫書時取讀猶

足補東隅

雜興十首以貧堅志士節病長高人情為韻

仕宦徧四方每出歸愈貧寒暑更質衣笑倒隣里人今年作史官坐糜太倉陳無如思歸何日夜望絕鱗區區牛馬走齷齪蟣蝨臣恩深老不報肝膽空輪囷

又

孟子闢楊墨吾道方粲然韓愈排佛老不失聖所傳伐木當伐根攻敵當攻堅坐視日月食孰探天地全一木信難恃要憂大厦顛安得孟韓輩出為吾黨先

又

聖人固多能藝乃以不試嗟予少貧賤日月成坐棄矧  
今耄已及甘食而美睡道衰朋友散斯文凜將墜閉戶  
輒竟日孰與講仁智厭厭生意盡何暇議李志

又

少年喜結交患難謂可倚寧知事大謬親友化虎兕出  
仕五十年危不以讒死始畏囊中錐寧取道傍李老來  
多新知英彥終可喜豈以二三君遂疑天下士

又

昔我遊廬山夜遇東林雪灰深火正熱膏減燈半滅童  
驚林虎過僧惜澗松折至今每追想可解肺肝熱那知  
蓬山夢忽繼此清絕殊勝蘇子卿餐羶持漢節

又

觀人如觀玉拙眼喜譏評得失顧在人玉固非所病慶  
歷嘉祐間人才於斯盛王回僅一招石介棄不聘乃知  
天下士成敗各有命願君姑安之天定豈不勝

又

兩山如峨眉一水若車輞吾昔廬其間百里臨莽蒼少年手藝木條榦日夜長咿啞駕獨轅迢遞搖兩槳平生會心地今乃寄夢想何時喚鄰翁煙水行布網

又

貨財不可居祿位不可饗我爾本一家何至臯蘭鑒小夫謀人國紛紛日煎熬或謂性本惡或謂經無裨誤人方自此孰如飲醇醪清言亦自佳遺事非徒高

又

魯山粹而博韶美曠且真石渠東觀中久矣無若人飛  
僊驂鳳鸞豈久混世塵空餘文章在常與日月新我雖  
不足數疇昔忝交親尚想秋燈下對影歎幅巾

陳山魯  
山劉儀

鳳韶  
美

又

君子尚大節又甚惡不情魯連故可人用意終近名千  
載高夷齊采薇忘其生周公述易象所以貴幽貞去聖  
雖已遠江右見淵明我讀飲酒詩朱弦有遺聲

送任夷仲大監

元受之子

往者江淮未徹兵，丹陽邂逅識耆英。  
叩門偶綴諸公後，倒屣曾蒙一笑迎。  
敢意癡頑成後死，相從髣髴若平生。  
小詩話別初何有，一段清愁伴鴈聲。

游昔在京口與陳應求馮國仲查元

章張欽夫諸人從先提刑遊今三十九年矣

謝韓實之直閣送燈

玉作華星綴絳繩，樓臺交映算天澄。  
東都父老今誰在，腸斷當時諫浙燈。

又

舊友年來不作疎華燈乃肯寄蝸廬寧知此老蕭條甚  
二尺檠前正讀書

道山直舍

身世從來一蠹魚討論猶記入朝初自憐報國無他技  
又領蘭臺四庫書

館中營繕方一新而右文殿生芝艸甚異

丹碧參差盛一時殿楹三秀見金芝漢庭漫道多才傑



天馬何勞作頌詩

戲述淵明鴻漸遺事

桑苧柴桑一世豪  
區區玩物亦徒勞  
品茶未及毀茶妙  
飲酒何如止酒高

雪夜

雪屋透窗明  
風簾徹夜聲  
披衣擁爐坐  
忘却在都城  
直舍獨坐思成都

錦城花絮送吳船  
屈指東歸又幾年  
羣玉峰頭身老矣

百花潭上夢依然青衫尚記稱狂客白髮寧知作老僊  
所恨酒腸非復昔閒遊空負杖頭錢

歎老

鏡裏蕭蕭白髮新默思舊事似前身齒殘對客豁可恥  
臂弱學書肥失真漸覺文辭乖律呂豈惟議論少精神  
平生師友凋零盡鼻堊揮斤未有人

冬曉

思免宵興趁曉班養慵終覺媿吾顏浮名半世虛催老

高臥何時復得閒  
兩岸夕陽漁浦市  
數峰寒靄沃洲山  
扁舟來往無窮樂  
此事天公豈所慳

有懷梁益舊遊

土堠累累隻復雙  
悠然殘夢對寒缸  
亂山落日葭萌驛  
古渡悲風桔柏江  
虎印雪泥餘過跡  
樹經野火有空腔  
四方行役男兒事  
常笑韓公賦下瀟

孤坐無聊每思江湖之適

世上元無第一籌  
此身只合臥滄洲  
艣搖漁浦暮茫月

帆帶松江浩蕩秋有酒人家皆可醉無僧山寺亦閑遊  
老來閱盡榮枯事萬變惟應一笑訓

夢韓无咎如在京口時既覺枕上作短歌

隆興之初客江臯連襁結駟皆賢豪坐中无咎我所畏  
日夜誚唱兼詩騷有時贈我玉具劒間亦報之金錯刀  
舊遊忽墮五更夢舉首但覺鐵瓮高樽前美人亦黃土  
吾輩鬼錄將安逃死生一訣信已矣所恨膏火常煎熬  
平生不愛葱嶺話方術亦陋葛與陶但當東歸棄百事

爛醉海上觀雲濤

出東城竝江而歸

上車容假寐出郭當閒遊  
遠笛臨風起高帆到岸收  
人歸花市路客醉酒家樓  
徑就東窗臥孤燈欲話愁

子聿欲暫歸山陰見乃翁作惡遂不行贈以此詩  
鐘鳴豈復夜行時文字相娛賴此兒欲去復留知汝孝  
未言先泣歎吾衰兩篇易象能忘老百畝山畬可免飢

但報家僮多釀酒一欄紅藥是歸期

明年春晚史院  
奏書必得歸矣

題趙生畫

趙生名廉宣和未得  
幸廉宣仲為予言

東都畫手排浮萍天子獨賞一趙生幅縑尺紙皆厚賜  
衆史妬媚都人驚爾來一筆不復見好事往往空聞名  
奇哉此獨出劫火論價直恐千金輕老廉博士最別識  
一見自謂雙眼明老夫寓居旱河上矮軸正向幽窗橫  
飯餘捫腹看不厭林外重閣高崢嶸憑誰喚住兩禪客  
水邊共聽煙鐘聲

題宣律師畫像

秀目大頭顱英姿舉世無平生一瓦鉢何處有天厨

暇日弄筆戲書

天地為我廬江山為我客北斗以酌酒恨我飲量窄人  
生但閉戶烏用分菽麥贈君玉函方憤憤無皂白

又

艸書學張顛行書學楊風平生江湖心聊寄筆硯中龍  
蛇入我腕足素忽已窮餘勢尚隱鱗此興嗟誰同

又

胃懷幾雲夢形骸一槁木雖客長安城未始忘退縮古  
來豪傑士強半死空谷耐事勿動心貧賤豈汝獨

立春前後連日風雨

河岸春生綠齋扉雨送昏手鈔書半淡巾漉酒微渾餅  
餌連春日歌呼近上元所嗟今夕夢不在石帆村

武林

皇輿久駐武林宮汴雒當時未易同廣陌有風塵不起  
長河無凍水常通樓臺飛舞祥煙外鼓笛喧呼明月中



六十年間幾來往都人誰解記衰翁

紹興癸亥子年十  
九以試南省來臨

安今六

十年矣

立春後十二日命駕至郊外戲書觸目

身兼老病常歸臥天半陰晴偶出遊  
鸚鵡碧籠當戶外  
鞦韆畫柱出牆頭  
年華冉冉飛雙翼  
夢境悠悠寄一漚  
旅食都門那可久  
少留應為賦春愁

又

宮雲縹渺漏聲遲  
夢裏華胥却自疑  
春淺風光先盎盎

時平節物共熙熙  
畫簾不捲聞人語  
玉勒徐行避酒旗  
閱盡輩流身獨健  
恍如隨計入都時

又

丹成不服怕升天  
豈料棄風到日邊  
九陌樓臺生細靄  
萬家弦管送流年  
香車寶馬沿湖路  
繡幙金壘出郭船  
折簡亦思招客醉  
不堪春困又成眠

春夜

客向燈前老  
愁從枕上生  
雨聲添好睡  
花氣散餘醒  
舊

事談誰聽新詩鍊不成惟當速歸老鄰父待同耕

訪客至近郊

訪客西郊路停車小苑門閑雲寧有雨淡日不成暄鷺  
下青蘋浦鴉啼綠樹村還家未索莫隨分具魚飧

車中作

雨過未生塵寒輕不著人斷雲飛苑路高柳暗天津  
憔悴非平日呻吟又一春然毫寧有補空負耦耕身

倦飛

倦飛何意閉樊籠  
冉冉年光過眼空  
酒盡不妨沽巷口  
詩成多是在車中  
曾腰白羽心猶壯  
不養丹砂頰自紅  
所歎算年交舊盡  
燈前情話與誰同

遣興

馬跡車塵不到門  
算年萬事付乾坤  
讀書浪苦只取笑  
識字雖多誰與論  
骨相元非金馬客  
夢魂空繞石帆村  
濁醪幸有鄰翁共  
莫厭從來老瓦盆

癸亥正月十日夜夢三山竹林中筍出甚盛欣然

有作

新春身不到家園東崦西村役夢魂一夜四山雷雨起  
滿林無數長龍孫

劔南詩豪卷五十二

欽定四庫全書薈要卷一萬五千五百四十三

集部

劔南詩藁卷五十三

宋 陸游 撰

謝徐志父帳幹惠詩編

平生聞若人筆墨極奇峭相望二千里安得接談笑一朝獲其詩驚喜踰素料夜窗取吟諷寒燈耿相照春容清廟歌縹緲蘓門嘯蹴天浙江濤照野楚山燒每篇十過讀玩味頭屢掉正如吸名酒雖愛不忍釔看君亦華

髮氣壓萬年少予昔從茶山辱賞三語妙文章老不進  
顛顚今可吊誰知牛車鐸黃鐘乃同調願君時來過勿  
恤俗子誚

河橋晚歸

曲巷連新市層樓近小橋青帘猶滴雨綠浦恰通潮簾  
影晴方見笙聲冷未調斜陽覓歸路偏愛玉驄驕

謝王子林判院惠詩編

王從楊廷秀甚久

文章有定價議論有至公我不如誠齋此評天下同王



子江西秀詩有誠齋風今年入修門軒軒若飛鴻人言  
誠齋詩浩然與俱東字字若長城梯衝何由攻我望已  
畏之謹避不欲逢一日來叩門錦囊出幾空我欲與馳  
逐未交力已窮太息謂王子諸人無此功騎驢上灞橋  
買酒醉新豐知子定有人詎必老鈍翁

紹興癸亥余以進士來臨安年十九明年上元從  
舅光州通守唐公仲俊招觀燈後六十年嘉泰壬  
戌被命起造朝明年癸亥復見燈夕遊人之盛感

歎有作

隨計當時入帝城  
笙歌燈火夜連明  
寧知六十餘年後  
老眼重來看太平

出謁晚歸

萬卷縱橫眼欲盲  
偶隨尺一起柴荆  
淵魚脫水知難悔  
野鶴棄車只自驚  
苑路落梅輕有態  
御溝流水細無聲  
紅塵朝暮何時了  
促駕歸來洗破觥

思歸示子聿

平生愛山水遊陟老不厭此外惟讀書垂死尚關念方  
昔少壯時萬里攜一劒自從還故山日夜就收歛蒙恩  
置三館寒灰忽光焰龍鍾氣纔屬筆力安得瞻同舍多  
賢豪揣分無乃玷春來百病作沉痾困鍼砭思歸入夢  
寐歷歷數過店問津始胥濤繫纜望禹窻小江齋餅美  
梅市將酒釀雲破山嶙峋雨足湖瀲灩二月柳勝槎三  
月花如染拄杖幸可扶吾生尚何欠更當與稚子晨暮  
事鉛槧天爵古所尊榮名勿多占

上元後連數日小雨作寒戲作

呼兒取酒敵春寒  
病起駝裘剗覺寬  
萬事不妨高枕臥  
始知老子耐悲歡

又

春風催暖入園林  
一片雲生又作陰  
留得梅花三日住  
誰云造物本無心

又

煙籠天闕青鴛溼  
水漲官河畫鷁浮  
解賦春陰三十首

不應惟有宋鄜州

又

擬撥殘書出郭行  
浮雲忽已敗春晴  
窮閭今雨無車馬  
臥聽深泥濺履聲

出湧金門

出湧金門一點然  
初來猶是紹興前  
都人百萬今誰在  
惟有西湖似昔年

書志示子聿

誤上蓬山亦已叨所悲故里隔胥濤還家未失屠羊業  
報國元無汗馬勞載筆敢言宗史漢閉門猶得讀莊騷  
小兒願與翁偕隱正恐聲名未易逃

入春念歸尤切有作

六朝覆育忝遺民扶僊歸來雪鬢新對酒無歡翻作病  
愛詩何得但窮人腰錢自昔妨騎鶴絕筆何時到獲麟  
鄉俗嬉遊重端五剗烹糲糗喚比鄰

筆者言予五  
月可還故山

書房雜詠

賦性無他嗜傳家但古書堯咨洪水際羲畫結繩餘異  
學方攘斥浮文亦掃除挑燈北窗下聊得遂吾初

又

久客思鄉井殘軀怯歲年家能常食粥口固不言錢鐵  
補曾穿硯韋聯屢絕編臥聞兒講學起坐失沉縣

獨立思故山

谿水初生與岸平橋頭新柳已藏鶯詩緣遇興玲瓏和  
酒為逢知爛熳傾青箬買來衝雨釣烏犍租得及時畊

今朝獨立東風裏歎息無人會此情

寓歎

俗心浪自作棼絲世事元知似奕棋舊業蕭然歸亦樂  
餘年至此死何悲古人可作將誰慕造物無心豈汝私  
已覺殘春故溪去短蓑垂釣月明時

後寓歎

貂蟬未必出兜鍪要是蒼鷹憶下韝彭澤徑歸端為酒  
輕車已老豈須侯千年精衛心平海三日於菟氣食牛



會與高人期物外摩挲銅狄灞城秋

新歲頗健寄青城故人

驕氣年來痛自鋤似能略契度關書神光出晝夜穿帳  
胎髮滿頭晨映梳吾道元知非土苴此身那可付丘墟  
岷山幸有丹爐在青壁何時共結廬

新年七十有九

中歲抱沉繇詎敢望七十造物偶脫遺俯仰耄已及寧  
知辱弓旌扶憊去鄉邑受恩不知報懷抱空怏悵天門

邈難窺地芥亦嬾拾隨身一詩囊副以兩藥笈何當復  
得謝浩蕩脫維繫擘浪畫楫飛穿雲青鞵溼餘年尚有  
幾登覽當汲汲狂吟題寺廊大筆蘸墨汁

春日訪客於逆旅及郊寺感而有賦

底事經年客帝鄉風光淡沲日初長野歌作氣老猶壯  
花氣撩人醒亦狂店壁拂塵尋舊字寺樓極目送斜陽  
告歸不過殘春事杜曲桑麻亦未荒

二月二日夢中作

零落薔薇委道傍更堪微雨漬殘香  
象牀玉尺人何在  
腸斷新裁錦一方

對酒作

羨門安期何在哉  
河流上泝崑崙開  
白雲不與隱居老  
孤鶴自下遼天來  
春江風物正閒美  
綠浦潮平桺初起  
算吹長笛發巴陵  
曉挂高帆渡湘水  
世間萬變更故新  
會當太息摩銅人  
脫裘取酒籍芳艸  
與子共醉壺中春

西湖春遊

靈隱前天竺後鬼削神剎作巖岫冷泉亭中一尊酒一  
日可敵千年壽清明後上巳前千紅百紫爭妖妍鬢  
鼓聲鞠場邊鞦韆一蹴如登仙人生得意須年少白髮  
龍鍾空自笑君不見灞亭耐事故將軍醉尉怒訶如不  
聞

春晚用對酒韻

吾今歸哉復歸哉草堂正對湖山開座銘漆園養生主  
屏列柴桑歸去來一閒可敵八珍美驪駒在門端可起

不緣老病日日增世味從來淡如水故人誰非白頭新  
況復眼中無故人但餘一恨未免歎掩關睡過今年春  
題館中直舍壁

幾年顛顚去清班敢辱君恩誤賜環但厭軟塵隨倦馬  
不愁弱水隔神山  
下帷寢飯羣書裏退食雍容衆雋間  
行矣東歸竟何補低回未免媿吾顏

春晚懷故山

吾廬煙樹間正占湖一曲遠山何所似髮鬢千髻綠近

山更可人連娟兩眉蹙澗蟠偃蓋松路暗圍尺竹海棠  
雖妍華態度終不俗最奇女郎花宛有世外躅雖云嬾  
出遊閉戶樂事足年來殊失計久耗太倉粟淖糜不救  
口斷簡欲滿屋兀兀不知春青燈伴幽獨

春社日效宛陵先生體

社雨

開歲纔幾時春社忽已及茫茫草色深蕭蕭雨聲急扶  
犁行白水不惜芒屨溼村童更可憐赤脚牛背立

社鼓

酒旗三家市煙草十里陂林間鼓鼕鼕迨此春社時飲  
福父老醉嵬嵯相扶持吾勿輕此聲可配豐年詩

社酒

農家畊作苦雨暘每關念種黍蹋麴蘖終歲勤收歛社  
瓮雖草草酒味亦醇醲長歌南陌頭百年應不厭

社肉

社日取社豬燔炙香滿村飢鴉集街樹老巫立廟門雖

無牲牢盛古禮亦略存醉歸懷餘肉霑遺徧諸孫

局中春興

天知病眼困風沙借與蓬山閱物華微暝已迎新到燕  
輕陰猶護欲殘花幽窗寂寂書圍座倦枕時時夢過家  
立馬庭前還小駐不妨閒試半甌茶

久客

顛顚閒坊底蕭條久客心燕歸知社過葉密覺春深燈  
火愁殘史塵埃歎素琴餘生猶有幾去日苦駸駸



幽居

花過鶯初嬾  
泥新燕正忙  
病餘猶止酒  
睡起獨焚香  
拄杖嫌園窄  
棋枰喜日長  
北窗元可樂  
不是傲羲皇

春日絕句

吏來屢敗哦  
詩興雨作常  
妨載酒行  
忽見家家插楊柳  
始知今日是清明

又

二十四番花有信  
一百七日食猶寒  
眼中不是無春色

歎息衰翁自鮮歡

又

門前喚擔買芳菲  
白髮猶堪插一枝  
舊厭蛙聲今喜聽  
牆陰特地作盆池

又

故園蛺蝶最多種  
百草長時花亂開  
窮巷春風元不到  
一雙誰遣過牆來

又

桃李吹成九陌塵  
客中又過一年春  
餘寒漠漠城南路  
只見鞦韆不見人

又

便恐東皇促駕回  
小軒無事且啣盃  
不知何處桃花落  
一片飛從屋角來

又

介亭南畔排衙石  
剝蘚剗苔覓舊題  
讀罷南豐數行字  
滿山煙雨共淒迷

又

楊家園裏醉殘春  
醉倩傍人拾墮巾  
紅紫飄零不須歎  
東君渠自是行人

歎老

晨起梳頭滿鏡霜  
豈堪著脚小年場  
酒徒分散情疎索  
綦敵憑陵意頡頏  
寓世極知均醉夢  
餘生只合老畊桑  
石帆山下蓴絲長  
待我還東泊野航

春雨中偶賦

老子年來百事慵不妨詩課尚能供殘花已覺胭脂淡  
煮酒初嘗琥珀濃羸病不堪連日雨孤愁偏怯五更鐘  
舊交只有烏藤在且伴禪床莫化龍

戲詠落花

終年裁接待新春一日隨風委路塵愁殺主翁渠不管  
爭如只作看花人

思歸示兒輩

睡味甜如蜜人情冷似漿流年垂及耄客子固多傷興

發雞豚社心闌翰墨場吾兒姑力穡莫羨笏堆床

東軒花時將過感懷

小軒風月得婆婆盡付流年與嘯歌細數一春今過半  
正令百歲亦無多還家常恐難全壁閱世深疑已爛柯  
只欲閉門揩倦枕晚風無奈落花何

又

社雨晴時燕子飛園林何許覓芳菲江山良是人誰在  
天地無私春又歸殘史有期成汗簡修門即日挂朝衣

人生念念皆堪悔敢効淵明歎昨非

江亭

千載濤江上書生誦所聞鑄形尊越蠡抉眼悼荆員  
高鳥衝煙沒輕舟壓浪分何由從此逝揮手謝諸君

對食

天賦元無滿谷羊不煩梁肉汙龜腸忽逢客釜純羹美  
遙憶山厨麥飯香正有一簞元自足縱嘲三韭亦何傷  
江邊煙岫參差路便喚漁舟莫治裝

飽食

飽食無功媿汗青  
燈前顧影歎伶俜  
馬衰猶養疑知路  
龜久當捐為不靈  
腰下徒誇綬若若  
鏡中何止髮星星  
石帆回首初非遠  
要及清秋斲茯苓

記夢

旅夢遊何地  
分明禹廟傍  
不嫌村餉薄  
但愛野蔬香  
筍市連山塢  
菱歌起夕陽  
一蓑元所樂  
枉道嬾衣裳

初夜暫就枕



街鼓鼕鼕欲斷時  
官閒惟與睡相宜  
褰帷臥看初升月  
轉枕重思未穩詩  
偃仰少安真得策  
欠伸徐起頓忘疲  
悠然已在羲皇上  
莫遣兒曹取次知

次林伯玉侍郎韻賦西湖春遊

西湖一別不知年  
陳迹重尋麥嶺邊  
山遠往來雙白鷺  
波平俯仰兩青天  
殘骸自覺難支久  
一笑相從亦宿緣  
旅食京華詩思盡  
羨公落筆思如泉

湖中微雨戲作

搓罷青梅指爪香一盃聊復荅年光莫言老子無人顧  
猶得西施作淡粧

與兒輩泛舟遊西湖一日間晴陰屢易

逢著園林即款扉酌泉鬻筍欲忘歸楊花正與人爭路  
鳩語還催雨點衣古寺題名那復在後生識面自應稀  
傷心六十餘年事雙堦依然在翠微

贈呂次翁

軾

君得金丹雖未仙放翁邂逅與忘年空能處處誇詩句

不解時時贈酒錢  
馬駿極知生冀土  
鶴飛會見上遼天  
爾來筆硯塵埃滿  
剗欲相從乞一聯

得子聿到家山後書

日日春陰愁出戶  
汝今恰遇十分晴  
桑林紫甚纍纍熟  
稻隴青秧漫漫平  
夢好定知行路健  
書來深慰倚門情  
柯橋道上山如畫  
早晚歸舟聽艣聲

題堊壁

小屋閒坊旋卜居  
老人也看作吾廬  
客知貪睡多留剗

兒未來歸自檢書草賦萬言那直水屬文三紙尚無驢  
京塵日念家山樂況值腰鎌割麥初

又

殘髮蕭蕭不滿簪衰年亦自惜光陰作碑諛墓已絕筆  
紬史藏山猶苦心穿破綠錢多穉筍驚飛紅雨有幽禽  
北窗睡起摩挲眼更覺清風直萬金

又

一櫂秋風去已遲釣竿恐失野人期朝回補睡尋幽夢

客去偷閒練近詩  
浮世本知緣苦薄  
顏齡已與志俱衰  
平生所慕孤山老  
剗欲懷茶奠舊祠

小飲

門生嘲喜眠官長  
罵耽酒人生自適  
爾嘲罵亦何有  
蒸我乳下豚翦我  
雨中韭盃盤雖不  
豐吾兒起為壽車  
馬滿長安誰肯顧  
衰朽作詩付汝藏  
千金珍弊帚

贈傳神水鑑

寫照今誰下筆親  
喜君分得臥雲身  
口中無齒難藏老

頰上加毛自有神誤遣汗青成國史未妨著白號山人  
它時更欲求奇迹畫我溪頭把釣緡

春晚

新綠成陰小雨時幅巾蕭散與閒宜燕歸赴訴經年別  
鶯晚分疏出谷遲曉枕呼兒投宿酒算窗留客算殘暴  
條然此意風塵表正恐羲皇未必知

天竺曉行

三節聽徹五更鐘二竺穿窮九里松無復官樓沽酒美

但煩湖水照衰容

又

筍輿咿軋水雲間  
慙愧忙身得暫閒  
堪笑風中一黃葉  
知看天外幾青山

初見石榴花

吳中四月尚餘寒  
細雨霏霏怯倚闌  
老子真成興不淺  
榴花折得一枝看

夢遊

太華峰頭秋氣新  
醉臨絕壁岸綸巾  
世間萬事惟堪笑  
禹迹茫茫九片塵

又

九秋風露洗頭盆  
萬里雲煙腰帶鞵  
小瓮松醪知己熟  
與君爛醉不須醒

又

客途幽夢苦淒淒  
滿眼山川意却迷  
條華朝驅雲外騎  
河潼夜聽月中雞



江亭晚思

本自無閒況有忙遠坊兀兀送年光太空不礙雲舒卷  
高枕寧論夢短長山破霽煙千萬疊鳥橫潮浦兩三行  
年來自笑詩情減愁絕奚奴古錦囊

上章納祿恩畀外祠遂以五月初東歸

身似霜松老不枯乞骸猶得侍清都百錢濁酒渾家醉  
六月飛蟲徹曉無美睡不愁閒客攪出遊自有小兒扶  
買山尚恐巢由笑敢問君王覓鏡湖

又

黃紙淋漓字似鴉卽今真箇是還家園廬漸近湖山好  
鄰曲來迎鼓笛譁籩實傍籬收豆莢盤蔬臨水采芹芽  
呈家養老非忘汝不必青門學種瓜

又

羣玉峰頭孤夢斷五雲溪上野舟回傍人鷗鳥自然熟  
到處藕花無數開麥飯不饜常面槁柴門閒掩自心灰  
雨來正作盆山地不怕冥冥半月梅

又

身是風前一斷蓬  
經年竊食竟何功  
倚天青嶂迎船出  
撲馬紅塵轉眼空  
網戶餉魚勝丙穴  
旗亭送酒等郢筒  
死前幸作扶犁叟  
免使淮南笑發蒙

又

此身惟有一躬畊  
乞得餘年樂太平  
來觀竝遊收昨夢  
西湖重到付來生  
一堤草露明晨照  
半浦荷風颭晚晴  
歷歷歸途皆勝事  
江亭先聽櫂歌聲

江亭

旅食京華興已闌  
喜扶衰憊出重關  
江波蘸岸綠堪染  
山色迎人秀可餐  
濠上觀魚非至樂  
管中窺豹豈全斑  
此行便問天台路  
剝采靈芝換病顏

題三茆邵道士雲隱

興盡當年句曲秋  
却歸罨畫弄扁舟  
有時信脚來沙際  
拾得殘雲補破裘

又

尚嫌勾漏養丹砂  
況種劉郎去後花  
罨畫溪頭雲萬頃  
不知何處是君家

受外祠軟

放浪江湖迹已陳  
今朝剡喜結街新  
讀騷未敢稱名士  
拜賜猶應號散人  
歸去還騎款段馬  
醉顛重岸接羅巾  
行行漸近雲門寺  
愈信人生有宿因

感寓

人生難控搏  
古謂七十稀  
壽夭雖小異  
要亦同所歸  
君

看銜山日耿耿有餘暉投床方息偃晨起復求衣萬家  
同一役負水關門扉知叟與愚公畢竟孰是非

又

老氏有至言所貴知我稀鄙夫急自銜豈復擇所歸君  
看珠在淵草木借光輝所以古達人懷玉被褐衣吾廬  
大澤中歲苦水半扉朱門固自好我亦未必非

肉食

平生愛枯淡老病未免肉殺戒苦難持貪境則易熟鄙

夫五鼎少達士一瓢足紛紛刀機間斷者豈復續習聞  
謂當然乍見可痛哭長安多貴人得此試一讀

贈成封州

鏞

綠髮臨邊固已奇不應顛顚客京師極知自有封侯骨  
但要無忘畊隴時意氣覆瓿書捷布風流橫槩賦新詩  
平生每恨相從少滿眼關山又語離

予以壬戌六月十四日入都門癸亥五月十四日  
去國而中有閏月蓋相距正一年矣慨然有賦

三百六十日扶衰得出都略無新伎倆仍是舊形模世  
事蠻攻觸人情越事吳勿言蓴菜老樣櫂醉湘湖

又

一百七十里我行誰謂賒期年初去國度宿卽還家事  
似談春夢身如寄客槎石帆村好在重理舊桑麻

雨中別同朝諸公

今日別交舊街泥盈尺深極知當作惡追恨闕相尋笑  
語關幽夢江山入苦吟新秋纔一月留句待清砧



又

雨點萬珠落水聲  
羣馬奔纔能脫危路  
未遽定驚魂一  
埽枕中夢卽歸江上村  
村醪莫嫌薄  
隨事有雞豚

出城

羈枕不成寐  
羸驂曉出城  
驛門深閉草  
苑樹密藏鶯  
老病安閒散  
疎慵負聖明  
津亭凝望久  
惟是待潮平

宿北錢清

晡時理舟楫  
甲夜泊錢清  
壘餅依然美

店家壘麵有名  
已六十年矣

漁燈特地明酒旗闌道出風浪拍船鳴未說鄉閭喜江  
山亦有情

老伶

老伶頭已白相識不論年時出隨童稚猶能習箏弦煙  
林梅市路風慢放翁舩餘酒堪同醉君無惜醉眠

舟行錢清柯橋之間

逾年夢想會稽城喜挂高帆浩蕩行未見東西雙白塢  
先經南北兩錢清兒童鼓笛迎歸艫父老壺觴叙別情

想到吾廬猶未夜竹間正看夕陽明

寓蓬萊館

道山方夢斷稅駕復蓬萊海上祇應乳遼東鶴已回客  
驚添鬢雪自笑久心灰底事妨人睡樓頭暮角哀

乍自京塵中得歸故山作五字識喜

門巷如秋爽軒窗抵海寬初還綬若若已覺面團團引  
睡拈書卷偷閒把釣竿人生快意事五月出長安

初歸雜詠

雪滿漁蓑雨墊巾超然無處不清真胸中那可有一事  
天下故應無兩人騎馬每行秋棧路喚船還渡葭江津  
酒樓僧壁留詩徧八十年來自在身

又

齒豁頭童儘耐嘲卽今爛飯用匙抄朱門漫設千盃酒  
青壁寧無一把茅偶爾作官羞問馬顏然對客但稱貓  
此身定向山中死不用磨錢擲卦爻

磨錢擲卦爻蜀  
龍昌期語也

又

八十可憐心尚孩  
看山看水不知回  
軟炊香甌桃花飯  
淺酌清尊竹葉醅  
平地本知多陷阱  
羣兒隨處覓梯媒  
曠懷只待秋風起  
十丈蒲帆海上開

又

換盡朱顏兩鬢皤  
流年如此奈君何  
早從學問求開益  
晚悟文章要詆訶  
每憶壯遊成獨笑  
間逢老伴亦高歌  
更餘一恨君知否  
千載浯溪石未磨

又

窗下初收剥啄茶疎簾窳地晝陰移下巖石潤揮毫後  
正焙茶香落磴時癯老入朝元是錯期年決去已為遲  
天公賦予誰能測只吝功名不吝詩

又

小園五畝翦蓬蒿便覺人間迹可逃盡疏珍禽添爾雅  
更書香草續離騷藥苗可斲攜長鑱黍酒新成壓小槽  
老入鵷行方徹悟一官何處不徒勞

又

乞得身歸且浩歌蕭然生世寄漁蓑茶甘半日如新啜  
墨妙移時不再磨山寺蹋雲頻獨往鄰家穿竹自相過  
棊枰勝負能多少堪笑傍人說爛柯

劍南詩稿卷五十三



謹案卷五十三第五頁後七行彭澤徑歸端為酒

刊本徑訛往據唐宋詩醇改





總校官庶吉士臣張能照

校對官庶吉士臣翟槐

謄錄貢生臣王嘉稷

欽定四庫全書薈要

集部

劔南詩藁卷五十四

詳校官助教臣謝登雋



欽定四庫全書薈要卷一萬五千五百四十四

集部

劔南詩彙卷五十四

宋 陸游 撰

湖上急雨

縷起前灘急雨俄吞四面山造化等閒成壯觀  
月明却送釣船還

夏日獨居

平生本清淨垂老更蕭然已罷客載酒亦無僧說禪空

庭朝下鵲密樹晚鳴蟬長日君無厭新秋近眼邊

溪上夜釣

少時妄意學金丹八十谿頭把釣竿  
露溼茭葢姑惡哭煙深沙渚鷺鷥寒  
登臨每歎乾坤大強健猶應歲月寬  
作意清吟未須厭如山殘橐後人看

幽事

曳杖驚林鵲投竿冒澗花若非詩滿卷  
只道夢還家開士分朝飯隣翁喚午茶  
悠然吾事足歸路並山斜

夙興

幽夢回千里高城轉五更  
牕虛送月落竹動喜風生  
自笑行安往猶思坐待明  
郊居少僮僕手自闢柴荆

文章

文章在眼每森然力弱才疎挽不前  
前輩不生吾輩老恐留遺恨又千年

閒遊

觸熱辭行在扶衰返故丘  
亂蟬催落日病葉報新秋  
秣

蹇投山驛尋詩倚寺樓不因行萬里那信此生浮

又

剡縣有佳處吾行無定期橫塘供晚釣孤店具晨炊約  
客同看竹留僧與對棋人生得自在更老未為遲

又

我出亦何急輟行還悵然輕裝幸已具老健更誰先野  
飯聊支食山蔬不直錢此生終樂死何以報皇天

又



已破京塵夢還尋剡曲遊戴星離古戍衝雨憩山郵壁  
認曾題字門橫昔渡舟經行固多感隨處寄悠悠

夏日

赫赫炎威日正中冰紈笛簟欲無功一心願伴沙頭鷺  
百計難呼木杪風纖手削瓜刀似水小甕分酒盞如空  
洗心幸有高樓月少待寒先出海東

蜻蜓浦夜泊

風雨忽如秋已深短篷今夜繫楓林溪翁那問市朝事

蔬食不生盃炙心橫截煙波飛健鶻遠投沙渚落羈禽  
斯遊誰道傷幽獨猶有殘鐘伴苦吟

幽興

微官那得繫疎慵幽興渾如社酒濃掃盡塵埃無一點  
洗空幻翳有千重百年到處俱羈客萬里從來付短筇  
身在有餘真妙語盃羹何地欠秋菰

避暑近村偶題

乞得身歸荷聖時登臨筋力未全衰楚祠草合三叉路

項羽廟  
在項里

隋寺苔侵半折碑

安隱院也

孤店不妨樂月宿扁舟

頻為看山移紅塵冠蓋真堪怕還我平生白接羅

### 南堂夜坐

老來日月駛秋令俄更端蟬號晚愈壯螢火流空園西  
風吹衣裳蕭然謝炎官飽食一事無散髮坐前軒河漢  
西南流北斗何闌干坐久光彩變缺月涌金盆欲睡復  
躊躇草棘露已漙徂歲何足道死生付乾坤

### 立秋前一夕作

螢度梧楸徑鳥鳴蒲葦洲寧知八十老又見一年秋賀  
監稱狂客劉伶贈醉侯吾身會兼此已矣尚何求

憶昔

憶昔西遊兩鬢青即今鏡裏雪千莖峨嵋風月猶關念  
濯錦鴛花已隔生避暑有時移枕簟畏人終日閉柴荆  
此懷恨欠詩千首且寄秋泉一再行

自嘲

外澤裏常粗元知似瓠壺仕因無援困學為背時孤軒

蓋愁城市風煙落道途他年遊萬里不必念歸吳

夜坐庭中

大澤秋初到荒庭夜自明風雲生有候河漢落無聲病  
得新涼減詩因少睡成高枝有烏鵲栖穩若為驚

養生

稟賦本不强四十已遽衰藥裹不離手對酒盤無梨豈  
料今八十白間猶黑絲咀嚼雖小難幸未如牛呵昔雖  
學養生所遇少碩師金丹既茫昧鸞鶴安可期惟有庖

丁篇可信端不疑愛身過拱壁奉以無缺虧孽不患天  
作戚惟憂自詒攣臂豈不苦害猶在四支二豎伏膏肓  
良醫所不治衣巾視寒燠飲食節飽飢虎兕雖在傍牙  
爪何由施老人不妄語聊賦養生詩

飲酒近村

放翁睡多少行立人扶往赴鄰里集痛飲山花挿鬢紅  
醉歸棘露霑衣溼紗巾一幅何翩翩庭中弄影不肯眠  
莫欺此老今衰甚曾見高皇狩越年

遊山

蕭散湖山路天教脫馬羈蟬聲入古寺馬影度荒陂樵  
唱時傾耳僧談亦解頤偏門燈火鬧不敢恨歸遲

偏門  
會稽

城西南  
門名

又

久客喜歸舍況逢秋氣新聊棄行縢子閒覓佳菴人道  
士青芒屨高僧白氎巾更須苔井水一為濯京塵

又

病退猶行倦山坡每少休高枝聞鵲語淺瀨見魚遊偶  
有堪棄興元無可遣愁悠然又終日爭路有歸牛

又

古寺不來久入門空歎嗟僧亡猶見塙樹老已無花世  
事雖難料吾生固有涯慙慙一梳月十里伴還家

聞蛩

蟬聲未斷已蛩鳴徂歲崢嶸得我驚八十光陰猶幾許  
勉思忠敬盡餘生



又

稽首周公萬世師小儒命薄不同時秋蛩却是生無憾  
名在幽人七月詩

入秋遊山賦詩略無間日戲作五字七首識之以  
野店山橋送馬蹄為韻

束髮初學詩妄意薄風雅中年困憂患聊欲希屈賈寧  
知竟鹵莽所得纔土苴入海殊未深珠璣不盈把老來  
似少進遇興頗傾瀉猶能起後生黃河吞鉅野

又

我昔西遊邊萬里持一劍風餐不自恤露宿未嘗厭棧  
危餘漢燒山斷有秦塹敢誇胡羊美但懷巴酒釀回首  
四十年遠遊每關念秋風跨蹇驢尚喜道傍店

又

周南太史公道家蓬萊山塵凡不可料亦復居其間屢  
奏乞骸骨寬恩許投閒羽衣碧玉簡尚綴僊官班黃精  
掃白髮面有孺子顏簡寂吾家舊飄然時往還

又

我行剡中路茆店連溪橋驢弱我亦飢解鞍雨蕭蕭投  
床得小憩炊黍烹藥苗舉手謝主人去路盤山腰沃洲  
在何許秋葉紅未凋遊僧不可逢聊須問歸樵

又

怕事真驚病老作入都夢頭顱今何似尚復堪自送聯  
裾預登瀛策馬從上雍年衰當亟去恩大容力控雖言  
解朝籍尚予侍祠俸明年即八十日月難把弄著書則

已矣努力謀社覯

又

吾才如蹇人何許逐奔馬  
吾文如醜女惟藉粉黛假  
向來已歸休畢志向林下  
塊然一愚公初不繫用捨  
國恩定難報  
衰涕時一灑  
人本不勝天  
豈復論衆寡

又

驢病比已損  
秋風輕四蹄  
朝遊支遁寺  
莫涉千古溪  
青嶂環孤村  
綠波溢橫隄  
吾行本無定  
所至窮攀躋  
細推

亦何樂正類好鍛嵇自今當務本春蕪飽鉏犂

村居

白首歸來亦灌畦任教鄰里笑栖栖道心寧感兩雌雉  
生計惟存五母雞不恨閒門可羅爵本知窮巷自多泥  
莫聞鼓角猶人境更欲移家入剡溪

又

游子從來念故鄉我歸仍得值豐穰粗繒裁製襜褕暝  
肥粢烹調餽飫香對客不妨依几杖呼兒時與話耕桑

却慙未解真齊物猶揀山村靜處藏

又

青藜杖出氛埃外白版扉開水竹邊造物與閒仍與健  
鄉人知老不知年坐居每袖持螯手妄想寧流見麴涎  
昨夜小庭風露冷菊花消息已先傳

又

石帆山下樂誰如八尺輕舸萬頃湖能釀人家分小榼  
愛棊道士寄新圖條枚積地樹雞柵溝港接筒澆芋區

父子還家更何事斷編燈下講唐虞

六藝示子聿

六藝江河萬古流吾徒鑽仰死方休沛然要似禹行水  
卓爾孰如丁解牛老僊簡編猶自力夜涼膏火漸當謀  
大門舊業微如綫賴有吾兒共此憂

七月十七夜五更起坐至旦

秋容淡如水昨暮到江城世事違高枕年華入短檠書  
中固多味身外盡浮名倚壁方清嘯蓬牕已送明

書懷

不飢不寒萬事足有山有水一生閒  
朱門莫管渠癡絕  
自愛茅茨三兩間

又

老人舉動須扶掖  
跣婢椎奴少得閒  
從此漸須都畫斷  
正如避難在空山

又

蝸廬自稱野人居  
三尺明牕已有餘  
從此要當常省事



時時小葦欲何須

又

苜蓿堆盤莫笑貧  
家園瓜瓠漸輪囷  
但令爛熟如蒸鴨  
不著鹽醢也自珍

湖上秋夜

湖上山銜落月明  
釣筒收罷葉舟橫  
不知身世在何許  
一夜蕭蕭蘆荻聲

書感

俗學方譁世遺經浸已微斯文未云喪吾道豈其非拔  
本寧餘力迷途幸識歸新涼起衰疾燈火耿郊扉

示兒

得道如良賈深藏要若無冶金寧輒躍韞玉忌輕沽儒  
術今方裂吾家學本孤汝曹能念此努力共枝梧

書適

北崦千梢竹東軒八尺床徧行欣老健熟睡領新涼海  
石陳書几陶詩貯藥囊時時一到眼亦足傲羲皇

海石  
英石

也東坡詩云  
海石來珠浦

又

心清絕慾早才薄去官多月下時閒釣雲邊每浩歌野  
堂生草覆山市白驢過也有成功處新降百萬魔

故慵

往者耕仍養中間仕易農屢辭身老病每荷上矜從進  
媿門三戟歸無畝一鍾扶持得良藥更放幾年慵

登臨

儘道羈懷惡登臨亦解顏健嫌山路淺狂恨酒尊慳親  
友多疎索漁樵自往還有詩仍嬾記零落水雲間

寓歎

有位方憂失無家豈念歸賢愚竟誰得今昨兩皆非世  
事無長算人情忽駭機細思如意處惟有釣魚磯

居家

為吏心雖嬾居家力尚餘刈茅支屋漏栽棘補籬疎就  
井磨樵斧持錢鍛藥鉏毋勞歎徒步野鶴豈堪車

舟中作

野老元無事，乘閒偶一來。  
微風市樓笛，落日寺街槐。  
梨大圍三寸，鱸肥疊四腮。  
鄰船不識面，呼與共銜盃。

築舍

築舍水雲鄉，蕭然似淨坊。  
粥鐺菰米滑，羹釜藥苗香。  
素壁圖嵩華，明牕讀老莊。  
與人元淡淡，不是故相忘。

雜感

孔欲居九夷，老亦適流沙。  
忠信之所覃，豈間夷與華。  
況

我州閭閻相視等一家老稚各自力勉蹈思無邪

又

十月可釀酒六月可作醬兒曹念乃翁左右日供養比鄰有老疾亦復致一餉老老以及人此義古所尚

又

肉食養老人古雖有是說修身以待終何至陷饕餮晨烹山蔬美午漱石泉潔豈役七尺軀事此膚寸舌

又

一氣不遽變雨霽皆有符死非一旦至小疾為前驅人能謹察之豈有倉卒虞哀哉不知此雖悔良難圖

又

養生孰為本元氣不可虧秋毫失固守金丹亦奚為所以古達人一意堅自持魔鬼雖百萬敢犯堂堂師

送陳懷叔赴上臯酒官却還都下

奇才初試發硌刀足馬秋風到上臯地近雖同三輔重時平無復五陵豪極知穩步煙霄路却要微知郡縣勞

歸去平津開首燕吐茵應復忤西曹

歸三山入秋益涼欣然有賦

藥物扶持美食眠鏡湖仍遇素秋天一年強起歸猶健  
百口相看喜欲顛碧瓦朱甍無傑屋烏篷畫楫有新舩  
道山頂上雖清絕萬頃煙波始是仙

子聿至湖上待其歸

舍北大吠迎歸航老翁待兒據胡床碧雲忽起欲吞日  
黃葉自凋非霽霜十風五雨歲則熟左飧右粥身其康



豈無深谷結茅屋父子讀易消年光

晚行舍後

畧徇東邊一徑深杖藜行飯當登臨稷山並海出遙碧  
禹穴生雲成暮陰殘歲自興遊子感少年誰解老人心  
歸來燈火參差夜倦倚胡床續短吟

秋夜讀書有感

妄意斯文力勿勝苦心猶欲付雲仍數編魯壁家傳學  
一盞吳僧夜講燈南犬固應多吠雪夏蟲那得解知冰

但令吾道常無墜飲水何妨枕曲肱

又

齒髮凋殘志有餘一編聊復遂吾初  
老來每恨無同學夢裏猶曾得異書  
家世偏憎慕青紫兒童切莫話龍豬  
正令世世為農圃廉讓何妨化里閭

治圃

小圃漫經營栽培抵力耕  
土鬆宜雨點根稚怯鉏聲紅  
菓方當熟清陰亦漸成  
每來常竟日聊得暢幽情

村醉

髮已凋零齒已疎飽諳成敗更誰如貴人豈得常金屋  
丞相那知起草廬久泛江湖知釣術晚歸隴畝授農書  
一尊徑就村翁醉未肯英雄許本初

病臥

蕭條風雨又經旬病臥真成不覲隣跨馬難酬四方志  
耽書空盡百年身碧花引蔓綠疎竹黃雀呼羣啄破囷  
君見此時風味否肯辭人笑橐裝貧

書悔

衣食須耕稼無端浪出遊客途  
南北鴈世事雨晴鳩  
蓬轉何時已  
灰寒善自謀  
江湖千萬里  
何處欠漁舟

航海

我老臥丘園  
百事習慵惰  
惟有汗漫遊  
未語意先可  
或挂風半帆  
或貯雲一舸  
趁潮亂鳴榔  
過磧細扶柁  
近輒凌煙海  
自笑一何果  
邂逅得奇觀  
造物豈付我  
古湫石

蜿蜒孤島松磊砢

鴈蕩大龍湫石如鴈龍東海縣境有巨松傳為堯舜時物  
湘竹悶

娥祠淮怪深禹鑠鬼神駭犀炬天地赫龍火瑰奇窮萬  
變鯤鵬尚么麼紛紜旋或忘追記今亦頗作詩配齊諧  
發子笑齒瑳

黃犢

賣刀買黃犢用以事耕稼淒風山北秋缺月溪西夜小  
童搯竹枝相呼聊一跨秋來作欄成參差出林罅青煙  
起草積微火近茅舍未言東作功此景已可畫

秋夜

老覺人間歲月道惛惛牕戶一燈幽讀書已廢虛長夜  
護塞無期負盛秋病齒何堪食梁肉殘軀惟念製衣裘  
重陽臥看登高侶滿地茱萸只自愁

目昏頗廢觀書以詩記其始時年七十九矣

少時業詩書慕古不自量晨暮間弦誦左右分朱黃積  
書山崇崇探義海茫茫同志三四人辯論略相當落筆  
輒千言氣欲吞名場忽焉六十年綠鬢久已霜食必觀  
本草不療病在床今秋又病目始覺閒味長車馬既不

至亦無書在傍一坐漏十刻甚倦則倚牆蝴蝶吾前身  
華胥吾故鄉童子亦聽睡不復呼燒香

假山擬宛陵先生體

疊石作小山埋瓮成小潭旁為負薪徑中開釣魚罨谷  
聲應鐘鼓波影倒松楠借問此何許恐是廬山南

秋興

拒霜慘淡數枝紅石竹凋零不滿叢小蝶一雙來又去  
與人都在寂寥中

又

足力蹒跚少迎客目視昏短常廢書賴是門前秋水長  
沙鷗未遽與人疎

湖上夜歸

滿鏡新霜奈老何扁舟日日醉顏酡樂如逐兔牽黃犬  
快似麾兵卷白波霜近菊花猶未見雨餘橙子已堪搓  
湖桑小市人無數爭看山翁擊楫歌

晨起



戒婢篝衣徹戾戾呼兒滌硯作隄廩須臾開卷東牕下  
即是先生無病時

飯飽晝臥戲作短歌

為農得飯常半菽出仕固應甘脫粟藜羹自美何待糝  
況復畏人嘲首蓓今年還東已八十視聽雖存鬢先禿  
安能賣藥謀助道

道流賣藥自給名曰助道

但有知分堪養福水車

輓輓鄰饋魚社鼓鼕鼕衆分肉可憐老子暫膨脝午睡  
牕邊自捫腹

里中車蕩取魚舊例以所得分遺

孤學

孤學雖違俗猶為一腐儒家貧占力量夜夢驗工夫正  
復安三徑寧忘奏六符殘年知有幾自怪尚區區

自嘲

儒生窮事業老去轉荒唐長日中分睡殘年有底忙書  
常嬾終卷詩亦少成章忽棄蓬牕去花前又一觴

試筆

清談數語猶疑過平地徐行亦慮危酌酒淺深須在我

更衣單複要隨時

秋思

烏桕微丹菊漸開  
天高風送鴈聲哀  
詩情也似并刀快  
翦得秋光八卷來

又

水際柴門一扇開  
白頭羸病亦堪哀  
阿誰得似桄榔杖  
肯為閒人萬里來

又

蒼顏莫怪少曾開觸目人情但可哀死去肯為浮世戀  
此身元自不應來

晨起偶得五字戲題橐後

推枕悠然起吾詩忽欲成雖云無義語猶異不平鳴有  
得忌輕出微瑕須細評平生五字句垂老媿長城

野步

場圃農功畢村鄰醉叟多野風吹慘澹海氣起嵯峨婦  
女窺籬看兒童拾穗歌身閒不自樂如此暮年何

喜晴

一夜霜風掃積陰  
檐間喚起有鳴禽  
滿牕零落梧桐影  
隣巷蕭條雞犬音  
文史漸宜精討閱  
湖山仍得飽登臨  
園丁也解娛翁意  
藝果移花已滿林

自箴

帶寬非復昔年腰  
頰上餘丹日日消  
切勿更為兒戲事  
解猿放鶴各消搖

自喜

身閒僊不遠食足富何加  
庭臥長生犢園開手種花  
狂歌聲跌宕醉草筆橫斜  
八十明年是衰殘豈復嗟

自詒

病中看周易醉後讀離騷  
不解書驢券安能問馬曹  
身隨遊宦困氣為屏居豪  
清旦南堂坐稽山秋更高

又

莊語畏如俳端居要若齋  
清虛集心腑枯槁見形骸  
自計愚無用何傷老不諧  
人生須廣大勿作井中蛙

對酒示坐中

綠橙丹柿鬪時新一笑聊誇老健身  
大度乾坤容縱酒多情風月伴垂綸  
初生京洛逢時泰幼度江淮避敵塵  
八十年間窮不死猶能澗底束荆薪

秋晚衰疾稍平聊識喜懷

世事紛紛博局中豈知造物貸衰翁  
短筇倚壁知身健小甌炊粳喜歲豐  
霜近年郊多鴈落雨頻斷港有舩通  
更餘一事生詩興烏臼新添數葉紅

偶出至近村

神爽無酣寢身閒有劇棋說詩橫柳栗賒酒挈鷓夷寺  
古殘香冷溪深獨木危往來元信步不是赴幽期

書宛陵集後

突過元和作巍然獨主盟諸家義皆墮此老話方行趙  
壁連城價隋珠照蔡明粗能窺梗概亦足慰平生

鄉居

客問鄉居事久居君自知度橋徵士悔過社旅人悲社



散家分肉農閒衆築陂牆東新洗竹我亦補藩籬

重九無菊有感

重陽未見一枝菊他日菊開生我愁高興亭中香滿把

令人北望憶梁州

高興亭在南鄭子城西北正對南山

欽定四庫全書

嘉慶刻  
卷五十四

劔南詩橐卷五十四